

Cors di lenghe furlane: 22 atestâts ai dipendents di Universitât e Provincie

A son 33 i corscjs, tra dipendents publics de Universitât, de Provincie di Udin e di altris Ents locâi, di lâ di students e libars professioniscj, che a àn superât la prove finâl dai cors di lenghe furlane par dipendents de publiche amministrazion, organizâts dal Centri interdepartimentâl di ricercje su la culture e la lenghe dal Friûl (Cirf) dal Ateneu. Dilunc de cerimonie di consegne dai atestâts di partecipazion, davuelte a palaç Florio, la retore Cristiana Compagno e à pandût «grande sodisfazion par cheste colaborazion impuartante instaurade cu la Provincie di Udin. Cu la conclusion de setime edizion dai cors formatifs par dipendents de publiche amministrazion si conferme il grant impegn dal Ateneu tal consolidament de lenghe furlane su dut il teritori provinciâl». Une laude ae iniziative e je vignude ancje dal president de Provincie on. Pietro Fontanini che al à sotliniât la impuartance dal approfondiment de lenghe furlane pai dipendents des amministrazioni publichis e al à ringraziât pal impegn «chei che, come voaltris al à dît - a crodin te potenzialitât di cheste lenghe che



*Concludude la setime edizion dai cors
gratis organizâts dal Cirf*

e je une grande ricjece dai nestri teritori». Ae cerimonie a son intervignûts ancje il vicediretôr dal Cirf, Raimondo Strassoldo, e i coordinadôrs dai cors Alessandra Mon-

tico e Marco Sermonico. Cuatri i cors organizâts chest an dal Cirf: un di nivel base e un di nivel intermedi pai dipendents de Provincie di Udin (mestris Fabio Boltin e

Franco Finco); un di nivel base e un di nivel avanzât pai dipendents dal Ateneu (mestris Mario Martinis e Franco Finco). Chescj i nons dai partecipants: pe Universitât Martina De Nardi, Amanda Iob, Paolo Martini, Gina Marquardi, Massimo Pedretti, Laura Russo, Mauro Sabbadini, Michela Vagnarelli (nivel base); Silvia Del Magno, Gianni Lauzana, Angela Miconi, Magda Minotti, Marco Seravalli (nivel avanzât). Pe Provincie di Udin: Alice Colitti, Maria Crea, Arianna Degani, Federica Duri, Enzo Ferino, Maurizio Gazziero, Umberto Lucardi, Elena Palladino, Giacomo Passero, Giorgio Rosignoli, Valter Temporini, Viviana Tomasetig (nivel base); Agostinis Stefania, Mauro Azzini, Dino Crapiz, Venusia Dominici, Sabrina Marcotti, Guido Palmisano, Paola Cristina Pavan, Andrea Pascolat, Marco Seravalli (nivel intermedi). I cors di lenghe furlane a son destinâts soredut ai dipendents des amministrazioni publichis ma vierts a ducj i interessâts che a vuelin scoltâ. La iniziative, a partecipazion gratuite, e je stade realizade in graciis ai fonts de leç 482/99 su la tutele des minorancis linguistichis.